



UNIVERSITÄTS-
BIBLIOTHEK
PADERBORN

Universitätsbibliothek Paderborn

Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1847

MCDLXXXVII. Beschädigungen, welche der Bischof von Havelberg seitens
der Mecklenburg-Schweriner in den Jahren 1417 bis 1420 erlitten hat.

[urn:nbn:de:hbz:466:1-54183](https://nbn-resolving.org/urn:nbn:de:hbz:466:1-54183)

verfigelt find: vnd wie die egenanten Johans vnd Fridrich vff dieselben stücke vnd Artikel, die egenant fruntschaft, sununge, eynunge vnd bruderliche libe czwischen vns vnd dem egenanten hern Sigmunden vnserm liben Bruder bestellen und machen, das ist vnser guter wille und wort, vnd wollen ouch das stete, gancze vnd unuorruckt halden vnd vollfuren, gleicherweis, als ab wir selber gegenwurtig gewesen weren vnd das leiplichen vsgetragen, geendet vnd bestalt hetten. Mit vrkunt dicz briues vorfigelt mit vnser kuniglichen Maiestat Infigel. Geben zu Prage, Nach Crists geburt virczehenhundert Jar vnd dornach in dem Sechzehendem Jare, des nechsten Sunabent nach gots vffarttage, vnser Reiche des Behemischen in dem dreyvndfunfzigisten, vnd des Romischen in dem virczigisten Jaren. Ad mandatum domini Regis Johannes Weilbg. decretor. doctor.

Nach Ptelzel König Benzettav II. 161.

MCDLXXXVII. Beschädigungen, welche der Bischof von Havelberg seitens der Mecklenburg-Schweriner in den Jahren 1417 bis 1420 erlitten.

Desse nachtreuen stücke vnd schaden sint geschehen deme Bisschoppe van havelberghe den synen vnd synen landen van der herschapp vnd heren to Meklenborch, den eren vnd eren landen vt deme lande to Meklenborch vnd Sweryn vnd dar wedder yn bynnen der heren frede. To deme ersten jn deme jare als men schreff etc. Anno etc. XVII^o Glauatz mit synen knechten, also he was eyn houedman der meklenborgheschen heren to gorloze, Des Sondaghes als men Singhet judica in der vasten, nam rosslik vor leppin in deme bede to der plattenborch III^o peerde, so gut also VIII schok boh. gr. Dit schach to gorloze tho. Item An deme daghe vnser heren hemmeluart Glauatz, reschinkel, heyne gobele, Curd lyndow, pipenpalm vnd mer haegefines hertoghen albrecht seliger dechnisse hebben ghenamen vor leppin VI peerde, so gut also XII schok boh. gr. vnd hebben dy ghevuret fluchtich in dat Lant to Sweryn. Item des Sondaghes vor vnser leuen frouwen daghe erer bort vilebom van dem Slote to dem wredenhaghen, dat dy suluen meklenborgheschen heren hertoghen johan vnd Albrecht selighen beualen hadden, gherke boltzane hefft ghemortbrant to dem dorpe besem III schunen mit korne vnde des Sondaghes na Lamberti in der nacht ghemortbrant ene schune mit korne to wernekow, den schaden wy achten vppe hundert bemessche schok grosschen: vnd heft dat ghedan fluchtich to deme haghen. Item jn Sante Andre auende des nachtes de sulue vilebom heft ghemortbrant eynen hof, hufs vnd schünen mit korne to glinke vnd de teghel schune vor wiftok vluchtich to deme haghen vnd daraff, den schaden wy achten vp XXX boh. schok Summa II^o schok boh. gr.

Anno etc. XVIII. Item An dem Palmen des nachtes hefft ghemortbrant vilebom to deme dorpe groten haffelow viel houe, hufs vnd schunen mit korne vnd hufsgherat, den schaden wy achten vp hundert schok gr. boh. vnd hefft dat ghedan fluchtich to deme haghen.

Item des Mandaghes na visitacionis Nam de houedman van deme haghē vnd sine knechte vor wistock X peerle vnd vor dem besem I pert, den schaden wy setten vppe **XXXX** boh. schok fluchtich to deme haghē.

Item des donredaghes neghest dar na Nam de sulue houedman vor wistok an der lake by haffelow eyn perd van X schokken vnd vengk den knecht, de gaf to der schattinghe ok vp X schok: ok schach dit fluchtich to dem haghē.

Item des Sondaghes vor jacobi Glauatz, pallatz, berneschinkel, stratzeborch, dy dargatzen nemen vor deme dorpe Cernitz, dat wy hebben ghekoft to deme hilghen blode, **XXXIII** peerde so gut also **LXVI** schok boh. gr. fluchtich to gorloze. Item jn Sunte francisci nacht heff ghemortbrant vilebom to langheuelde eyne schune vul kornes so gut also **XX** schok boh. gr. fluchtich to deme haghē. Summa **II^o**. sexag. boh. gr. vnd **XLVI** sexag. gr. boh.

Anno etc. **XIX**. Item des mandaghes na judica jn der vasten. De houetman van deme haghē vnd mer meklenborgher vnd wentlender reden van deme haghē vnd wunden sik mit den Stargharderen, de vor wistok weren gherant, vnd nemen to lutken haffelow. Also do in der jacht vnse dener na jagheden den roueren, hebben sy mit vorlate vns af ghewonnen wol X vanghen vnd X reyseghe peerde, so gut also **II** boh. schok vnd vnse vedderen meyneke ror afghegrepen vnd den beschattet vppe **II** schok mit teringhen vt vnd in toridende vnd eynen guden man dot gheschaten fluchtich to deme haghē: vnd de Schattinghe is ghekamen an Achim van Dewitz van der heren weggen to Meklenborch vorghenant. Item des donredaghes Na deme Sondaghe Cantate hefft de Suluehouedman van deme haghē to vute vnd to peerde den frede des kerkhaues to wernekow ghebraken vnd dar van ghenamen also dane quek, also dar vppe was vnd eynen bur ghevanghen, wech ghevuret vnd beschattet, den schaden wy achten vppe **LXXX** schok boh. gr. funder auervaringhe des fredes vnd fryheit der hilghen kerken. Item des dinghesdages vor vnse heren hemmeluart de vorbenomede houedman van deme haghē vnd de Priggheiten vordingheden besem vnd wernekow, de twe vnser dorp, vp vofstich schok boh. vnd vorbranden dar etlike ghebuwe vnd nemen dar quek vnd gut, also gut alse hundred schok boh. Item dar negest an deme daghe vnse heren hemmeluard de suluen van deme haghē vnd priggheiten branden vnse dorp tzatzik mit deme kerkhaue vnd nemen dat quek dar van, so gut alse **XL** schok gr. boh. vnd des suluen auendes nemen sy to wernekow **XXIX** ossen vnd koye vnd **VIII** perde, so gut also **LXXXIII** schok boh. gr. vnd vnd vorbranden dar de kerke vnde spiker vp deme kerkhoue, den schaden des brandes to beyden dorpe wy achten vppe **II^o**. schok boh. gr. fluchtich to dem haghē. Item des dinghesdaghes na visitacionis marie Reschinkel, pipenpalm, berse, hūrik van ditten, helmold van Pleffen vnd hertoghen albrecht hoffghesinde stotten den kerkhoff to groten haffelow vnd nemen dar van also dane quek dar was, wol dat dorp verdinghet hadden vppe **XX** verndel bers vnd dy bereydet, den schaden wy achten vppe hundred schok boh. gr. Summa **IX^o**. sexag. boh. Item **XCIII** sexag. gr. boh.

Anno XX. Item des mandaghes na Inuocait, genant kopsalichmandach, hertoghen Johan vnd hertoghen Albrecht etc. mit eres sulues liues mit groter schar hebben vns afghebrant de grote desser kerken kerktoorn vnd alle ghebuwe, dat dar was, nictes vtghenomen vnd dar to de dorpere jabel, glineke, Tzatzik, papenbruk, langheuelte alle vorbrant vnd dat halue dorp Crichstorp de ander helste mit deme gantzen dorpe koningelberghe vordinghet vppe XL sexag. boh. XX verndel bers vnd VIII wispel hauerer vnd dar to ghenamen an queke vnd an gherede, wes de armen lude hadden: dar vmme wy vnser renthen vnd pachte alfus langhe entvoren hebben vnd muten in langhen tokamenden tyden vntveren: den schaden wy achten vppe veer vnde twintich hondert schok boh. gr. funder dinghenissen. Item des mandaghes na Sunte Peters daghe vorbranden de van deme hagen dat dorp besem, kerken, kerktoorn, wedemen vnd allent wes dar ghebuwet was, den schaden wy achten vppe II schok boh. Item des donredaghes dorneghest hinrik vnd Reymer van pleffen nemen vns vor wistok an perden vnd koyen so gut also XL schok boh. Item des suluen auendes quemen se wedder vnd nemen koye so gut also XX schok fluchtich to deme hagen vnd vort to lubetze vnd Mernitz. Item in der elf dusent meghede daghe De van der Mernitz venghen heyne arndes vnd nemen em II peerde, den schaden finer schattinghe vnd peerde wy achten vppe XX boh. schok, to der mernitz. Item an Sunte Nicolai auende Reymer van pleffen vnd der Priggenitzen knechte nemen vnser dener klotzen vor wistok eyn reylich peerd van X schokken. Item des donredaghes in deme vastenlauende Reymer van pleffen vorbrande eyn huf to dem besem vnd puchede dat dorp vnd sloch enen man dot, den schaden wy achten vppe LXXX schok boh. ane den doden, dar wy bute vor eschen, to der mernitz. Item des dinghedaghes na trinitatis kleynedinst grep ropenacken, vnser knecht, vnd nam em eyn perd so gut also X sexag. vnd deden dat fluchtich to der mernitz binnen freden, des wy schaden hebben vppe XXIII schok boh. Item des Sonauendes vor Martini Nam vns Reymer van pleffen vor kramptze eyn reylich perd so gut also X gr. boh. Item in Sunte Siluesters daghe Nam vns Reymer van pleffen vor leppin I sexag. koye, so gut also XXIV schok, van der mernitz af vnd to. Summe XXIX sexag. boh. minus IV sexag.

Anno XXII. Item des donredaghes Na Laurenty De stralendorpe van Criuetze, de Pleffen van lubetz vnd Claws ror van Sibbule nemen vor der doffe dusent schap vnd II sexag. koye so gut also C sexag. et XC sexag. gr. boh. vnd schoten vnser sulter sone hans tzyker dot vor wistok, dar wy vor eschen wandel vnd bute, vnd nemen vns III reyfighe peerde, so gut also XXIV schok boh. etc.

Nach der Urchrift, welche am Schlusse unvollständig ist.

MCDLXXXVIII. Die Stadt Wittstock und der Bischof von Havelberg liquidiren ihre von 1418 bis 1423 durch die Mecklenburg-Stargarder erlittenen Schäden.

Dyt synt de schaden, de der stat wistok ghescheen synt ute deme lande Stargharde vnd Robel. Na gades bord etc. in deme Achteynden jare Claws vnd hennigh

Sauptsh. I, Bd. IV.